

Н. С. Хрущев Украинд

Колхозникүдт гиич боллгън

Львов, декабри 10. (ТАСС). Ур Н. С. Хрущев үүрмүд Н. В. Подгорный, Д. С. Коротченко, Н. Т. Кальченко эдлэ боли областин организацсин гардачирла хамдан Львовск областин Золочевск района Сталина нертэ колхоз орцхав.

Золочев станц деер шишлнъг поезд ирдж зогсв, тегэд күндтэ гиичиг предприятиян боли тосхлтсин көдлэчир, эргидк селэдин колхозникүд халунар тосцхав.

Ур Н. С. Хрущев, Украинэ Коммунистическ партин боли правительствин гардачир сууси машинд, Сталина нертэ эдл-аху орад гарв. Тедниг колхозникүд байрлдж тосцхав. Колхозин ахлач Николай Федорович Старовина Никита Сергеевичд күндлдж өдмг-даве бэрүлдж өгнэ, үни седклэси мендлдж, энъкр Төрскининь төлэ эрүл-менд йовдж ут наслтха гидж йөрәнэ. Н. С. Хрущев мендин арүн үгд ханлт өргэд, колхозин гардачирин боли нүүрлэчирин гаринь атхна.

Дарунь Н. Ф. Старовина күндтэ гиичириг колхозин правленя герүр орхинь сурна. Тегэд селәнэ күч-көлсчирлэ колхозин керг-төрин тускар Н. С. Хрущев күүндвр эклв.

Сүл тавн джилин эргид селәнэ эдл-ахун делгрлтин ашиг боли селәнэ эдл-ахун эдл-уш гаргългын улм цааранднь өөдлүлх төрмүдиг күүнддж батлси, 1958 джил болси КПСС-н ЦК-н декабрьск Пленумин шийдврмүдиг күцэхин төлэ колхозин күч-көлсчирин ноолдана тускар үр Н. Ф. Старовина келдж өгв.

Тер Пленумд босдж келхлэри мана эдл-ахун члед, Чувашас, үр Коротков гардджах Ленинэ нертэ колхозла дөрлдж санан-седклтэ бээхинь келлэв, гидж үр Старовина келв. Тиигхд,

күндтэ Никита Сергеевич, Та мана дуудвриг тааслат. Эн тегэд мана колхозникүдиг күч-көлснэ шин диилврүр омгшулв. Ода бидн танд, Никита Сергеевич, му бишэр гүдждж көдлсән келх ик байрта бәәнәвдн. Эн джил колхоз гектар болгънас 30,5 центнер буудя авб, 800 центнер эрдни-шишән ногъан ургъмл хурав. Зун гектар газр болгънд бидн 52 бод малта, тер тоод 21 үкртэ, тер мет 90 шаху гахата болвдн. Бидн 11 сарин эргид зун гектар болгънд 100,8 центнер үс аввдн.

—Эни йир сән — гидж Никита Сергеевич темдгив.

Нерн туурси механизатор Александр Гиталовин үлгүрэр эн күүндврт орлджак Павел Фурда гидг тракторист Павел Шевчукта хойрули негдэд эн джил 200 гектар эрдни-шишәг хәләдж-асрад гектар болгънас 1100 центнер ногъан ургъмл авб гидж үр Старовина зәнъглв.

Эрдни-шишә манд ик дөнъ болджана, — гидж колхозин ахлач келв. Тер мет намрар тәргддг вика бас сән ургыц өгнэ.

Цааранднь малин хотин эрки культурумуд тәрдгән улм икдүләд, тиигхлэри тедниг гаргъдж-хурадж авлгъна гаругъинь багърулх кергтэ гидж Н. С. Хрущев колхозникүдт селвг өгв.

Колхозин нүүрлэчирин, теднэ күч-көлснэ дамшлтин тускар келчкәд, ода кесгиннь көдлмш үлү гидг шунлтта гидж Н. Ф. Старовина келв.

—Ганцхи танахс чиги бишл — гидж хоша бәәх Шевченкон нертэ колхозин гахач, урднъ шахтер йовси, 1953 джил болси КПСС-н ЦК-н сентябрьск Пленумин хөөн колхозд көдлхәр ирси Я. С. Чиж темдгив.

Н. С. Хрущевд, гахасиг баг-багар, с т а н о к с у г а г ь а р а с-

рдж-борддг дамшлтиннь тускар туурси гахач тодрха кевәр келдж өгв. Я. С. Чиж ганцарн кесг зун гахас асрдж-бордна. Эн джил эн 502 центнер гахан мах өгв, иргчдән болхла эн үзмджән хойр холвхар бәәнэ. Гахас асрдж-бордлгънд эн боднициг боли нань чиги корнеплодсиг түүкагъяр өгдгиг, тер мет нам концентратла хольдж өгдгиг өргәр олзлна. Нег центнер гахан махн 224 арслнъ болдж тусна, энүг асрдж-өскдж авхд зуг 10 час керглднэ.

Колхозин гахачин келсиг оньгддж сонъсад, энүнэ көдлмшин үнтэ дамшлтин тускар, цуг орн-нутг меддгәр, «Правдд» өргәр бичх кергтэ, юнъгад гихлэ колхозин эдл-уушин үнинь кимдрүллгън — эн үлү гидг чинртэ төр гидж Н. С. Хрущев келв.

Украинэ Коммунистическ партин боли правительствин, Львовск областин боли Золочевск района гардачир орлси күүндврт Н. С. Хрущев колхозникүдт оли сән-сән селвг өгв, эдл-ахуг сәәнәр ягъдж залхин тускар заав, нүүрлгч прогрессивн тоотиг эрк биш тархахиг, колхозн производствин экономикинь цааранднь батлгъна шин хаалгъ хәәхиг темдгив.

Никита Сергеевич селәнэ күч-көлсчирлэ халунар мендләд, иигдж келв:

— Капиталистирин зергс тадниг мухлаллгънд бәәнэ гидж келцхәнэ. Иим «мухлаллгънд» бәәддж эс болх-мт?

— Боллго! — гидж колхозникүд дегц хәрү өгцхәнэ.

Н. С. Хрущев Сталина нертэ колхозд ирсн селәнэ күч-көлсчирин байринь өргджүләд, күч-көлснэ ик омг өгв. Тедн цугъар эврәннь долан джилиг гурви джилин эргид күцэхин төлэ цуг күчн-чидлән олзлавдн гидж Никита Сергеевичд үгән өгв.